

## **A KAGAWASAN DIHA KANG CRISTO. Galatia 5:1.**

- ❖ Unsa nga kagawasan diha kang Cristo?
  - Sa sala (Roma 6:18)
  - Sa kalaglagan (Roma 8:1)
  - Sa kadagta sa kalibutan (Galatia 1:4)
  - Sa tunglo sa balaod (Galatia 3:13)
  - Sa pagsimbag diosdios (Galatia 4:8)
  - Sa kaulipnan sa balaod (Galatia 5:1)
  - Sa yawa (Hebreohanon 2:14)
  - Sa dayong kamatayon (Hebreohanon 2:15)
- ❖ Wala pa kita makabayad sa atong kaugalingong kagawasan. Gibayran ni Jesus ang balor didto sa Krus (1 Corinto 6:20; 7:23). Dili na kita kinahanglan pa nga magbuhat og bisan unsa aron mamahimong gawason.

## **B KAGAWASAN UG LEGALISMO. Galatia 5:2-12.**

- ❖ Nganong ang usa ka gamayng samad sa unod hilabihang ka mahinungdanon alang kang Pablo? Daw sa kini usa ka di-mahinungdanong buhat (Galatia 5:2-12)
  - Kadtong mga gipangtuli nagsaad sa pagtuman sa TANAN nga balaod aron mamaluwas (b. 3).
  - Kana maoy pagpamatarung pinaagi sa binuhatan, nan sila nanagsalikway sa pagpamatarung nga ginahatag sa Dios diha kang Cristo (b. 4).
  - Usa kana ka dakung babag diha sa dalan sa espiritohanong pagtubo (b. 7).
  - Ang pagtuli nagatangtang sa “kalapasan” sa Krus. Sa dihang buot mong luwason ang imong kaugalingon, ang mensahe sa Krus madasdason sa tawhanong garbo, tungod kay kinahanglan atong ilhon nga kita sa katibuokan magsalig kang Cristo (b. 11).

## **C KAGAWASAN UG PAGKAMAHILAWASON. Galatia 5:13.**

- ❖ “Palayo kana! Kita nga namatay na ngadto sa sala, unsaon man nato sa pagpakabuhi pa diha niana?” (Roma 6:2 NIV).
- ❖ Inay nga magpatuyang sa atong mga sala, ang atong kagawasan nagahatud kanato ngadto sa pag-alagad [mamahimong mga ulipon] alang sa gugma.
- ❖ Kon kita sa pagkamasinugtanon mamahimong mga sulogoon [ulipon] tungod kay kita nagahigugma sa atong silingan, nan kita nagatuman sa balaod (Roma 13:10).

## **D KAGAWASAN UG BALAOD. Galatia 5:14-15.**

- ❖ Gipatin-aw kini ni Jesus: ang pagtuman sa matag letra sa balaod ug pagtuman sa katuyoan sa kasugoan maoy duha ka mga managlahi nga butang (Mateo 5-7).
- ❖ Gigamit ni Pablo ang pulong “pagtuman” tungod kay kini nagakahulogan og labaw pa sa “pagbuhat.” Kana nga pagtuman ang hinungdan si Jesus nga ania sa sulod nato.
- ❖ Dili ang pagbiya sa balaod, ni pagpaubos niini ngadto sa balaod nga gugma lamang; kini mao ang dalan diin ang magtutuo makasinati sa matuod nga katuoyan ug kahulogan sa tibuok balaod!